



Këng a nengë n tug n yeel-a; ad fo ka Bugum ned ye, la ad fo yaa arzãn neda

Yii a Anas [bn Maalik nengë, (Wënd yard be a yĩnga): Tı Nabiyaamã (Wënd puusg la A tılgır be a yĩnga) a bao a Saabit [bn Kays n ka yã ye, tı ned yeele: "Wënd Tën-tuumã, mam na n waa ne a kibarã fo nengë". T'a ta a nengë n mik t'a zĩ a zãkë wã n sulg a zugã. T'a yeel-a: "yaa bõe n tar foom?" T'a yeel-a ad yaa wënga. Bala a ra zëkda a koεga tı yıud Nabiyaamã koεgã (Wënd puusg la A tılgır be a yĩnga), rënd a tuumdã luume, a yaa Bugum biiga, tı nedã lebg n wa Nabiyaamã nengë n kō-a kibare t'a yeela woto la woto, t'a lebg yaoolem këngrã ne kiba-noogo sën yaa bedre, Nabiyaamã yeelame: «Këng a nengë n tug n yeel-a; ad fo ka Bugum ned ye, la ad fo yaa arzãn neda».

[Naşun Şahuhun (Gom-sikdem sën manege)] [B zemsa taab a zugu (A Al-Buħariy la a Muslim n reeg-a)]

Nabiyaamã (Wënd puusg la A tılgır be a yĩnga) konga a Saabit [bn Kays, (Wënd yard be a yĩnga) t'a sok a yelle, tı ned yeele: mam na n wa kōo foom la m togs foom a sën ka be wã sababo, t'a këng a nengë n tug n mik t'a sũurã yaa sën sãame, t'a tik a zugã, n sur a zakë wã, t'a soak-a: yaa bõe n tar foom, t'a Saabit kō-a kiba-wëng ning sën be ne yë wã, bala yë rag n yıume n zëkd a koεga n yıud Nabiyaamã koεga zugu (Wënd puusg la A tılgır be a yĩnga), la Wënd yaool n maana puleng-wënga neb nins sën maand rëndã wã tı b tuum luume, tı b yaa Bugum koamba! Tı nedã lebg n këng Nabiyaamã nengë (Wënd puusg la A tılgır be a yĩnga), n tı kō-a kibare, ne a gomdã, tı Nabiyaamã (Wënd puusg la A tılgır be a yĩnga) yeel nedã t'a lebg n këng a Saabit nengë n tug n kō-a kiba-noogo, t'a ka Bugum ned ye, t'a yaa arzãn neda, woto yaa t'a Saabit koεgã zëkrã yaa Wënd naanego, n paasde, a rag yı Tën-tuumã (Wënd puusg la A tılgır be a yĩnga) no-rëesa n lebg n yaa Madiin-rãmb gom-rıkda.

<https://sunnah.global/hadeeth/mos/show/65073>

